



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Vorlegung gemacht von Bruder Johan Tetzels Prediger  
Orde[n]s Ketzermeister: wyder eynen vormessen Sermon  
von tzwenzig irrige[n] Artickeln Bebstlichen ablas vn[d]  
gnade belange[n]de allen ...**

**Luther, Martin**

**[Leipzig], [1518]**

**VD16 L 6269**

Der Czwentzigst irrigk Artickel. Lauth entlich wie folgende.

**urn:nbn:de:hbz:466:1-32333**

halten werdenn/den die Christenheit/vil hunderth jar  
grossen glaroben gegeben/der wegen dyser artickel gantz  
irrigk ist. Erbitthe das vff erkenthnis des heiligen Ro-  
mischen stuls vnd aller Cristlichen Vniuersitetenn vnd  
Doctorn.

## Der Czwentzigst irrigk Artickel.

Lauth entlich wie folgende.

¶ Zum Czwentzigsten. Ab etlich mich nun wol eynen  
kettzer scheutenn/den sulch warbeyt seer schedlich ist yn  
kastenn. Szo acht ich doch sulch gepierre nit gross/synte  
mael das nit thunn/dan etlich finstere gehyrne/die dye  
Biblien nye gerochen/dye Christliche lerer nye gelesenn  
yr eygen lerer nye verstandesi / sondern yn yren locherten  
vnd tzurissenn opinien vil nach vorwessenn/dan hettenn  
sye die vorstanden so wisten sie das sye nyemant soltenn  
lestern/vnuorhort vnd vnuberwunden / doch goth geb  
yn vnd vns rechten syn. Amen.

¶ Vorlegunge. Der wirdt der gestalth Christlich vnd  
wol ergrundth vorlegt. Erstlich ist er gantz irrigk vnd  
erforderth ane ein lochericht gehyrne tzurwissen / Wer ein  
kettzer sey / Dadurch ich Bruder Johan Tetzel Predi-  
ger Odens voursacht werde / etliche ander lehr vnd po-  
sition / aufzlossen tzugehen / die ich auch in der loblichenn  
Hohen schul Franckforth / an der Oder / tzu Disputiren  
vnd mit angesatztem tage / vormittelst gothlicher hulff  
cristlich tzuertaldenn gedencke / In welchen so man dy-  
se meine schrifft vnd vorausgegangen von mir Position /  
Vnd den Sermon der tzwentzigk irrigen Artickel / auch  
die Position / der Tittel sich anhebeth . Amore et studio  
elucidando veritatis / In den die letzten Propositio als  
so lauth Ac sic magis per multas tribulatioes intrare ces-  
lum q̄ per securitatem pacis confidunt / dergegen helth /  
Idemenigklich mit vmentgentzem gehirn / erlernen vnd

erkennen wirdt/Wer eyn Heresiarcha/Hereticus / Eis  
maticus / Erroneus / Temerarius / Maledsonans ꝛc.  
Das ist ein Ertzketzer/ein Ketzzer / ein Abetrunnner /  
ein Irriger/ein Freueler ader Ubelreder ꝛc. Im heyligen  
Christlichē glawbē sey ad nicht. Daraus auch erscheynē  
wirdt/wer ein finster gebirne/Die Bible nye gerochen  
Dye Christlichenn Lerer nie geleßenn/seyn eygene lerer  
nye vorstanden hath. Erbitte derhalbenn in sicher/tzu d  
warheit tzuuorsicht /alle dyse meine vorlegunge vnd pos  
sition in dyser sachen von mir geschryeben /vff erkentnis  
vnd vrtheil Beshftlicher heyligkeyt/der heyligen Romi  
schen Kirchen/aller Christlichen vnuordechtigenn Vni  
uersiteten vnd Doctom mit vvpflichtung alles des ihe  
nigen/szo tzuerkant/tzuleyden/Es sey / Kercker / Stock  
Wasser vnd Ifewer/In trewer Christlicher/Bruderli  
cher vormanung/Keyn Christlicher mensch wolle hyn  
furth dem Sermon der tzwentzigē irrigen Artickel /auch  
den positionibus /die sich anheben/Dñs ⁊ Mgꝛ noster  
Ihesus Christus dicendo penitentiā agite ꝛc. vnd sich  
enden also. Ac sic magis per multas tribulatiōes intrare  
celum ꝛc. glawben gebenn. Es erbyethe sye dan auch yr  
thichter vff erkentnus vnd vrtheyl Beshftlicher heylig  
keyt/der heilige Romischē Kirchē/vñ aller Christlichē vnu  
ordechtigen Vniuersiteten/vnd habe das mit wercken  
bewysen/mit gewisser tzuuorsicht/das ane solch erbietē  
der Sermon der tzwentzigē Artickel vnd itzbenonthenn  
Position/nicht Prediget vnd heylsame lere/sunder vor  
leythung vnd vorkerung der menschen sein worden/Wen  
Christus sageth selbst / Wer die kirch nicht horth/der  
sal dir seyn eyn heid vñ Publican/Vñ so der ihenige von  
dem der yrrigē Sermon der tzwentzigē artickel gemacht  
vñ ausgegangen/etwas widder dyse meyne Vorlegūg  
setzen ader machen wurde/ane behertung der heylligen  
schriffte der heiligen Recht vñ Doctom/ aber an antzey/

gunge natürlicher genungzamer vrsachenn vnnnd ration  
so szall kein Ehrstlich mensch sich desselbigen ergern/  
wen es wurde plauderei sein vnd wen sulch / seyn geme/  
chte offentlich vnd schriftlich von im / nicht erbothen  
wurde / vff erkentnus Bestlicher heyligkeith / des hei/  
ligen Bestlichen Stuls / vnd vnnordechtiger Vniuers/  
siteten. So wil ich widerumb derwydder / nicht schrey  
ben / sundes aller anthworth vnd vorlegunge vnwyrdigk  
halden. Douor ich hirmith offentlich Protestir.

¶ Botet zu lobeden menschen tzu seligkeyth.

¶ Vnd dem heyligen Best/  
lichen Stull tzu eren